

346.2
OFFICIUM

SANCTORVM MARTYRV

HEMETHERII.

E T

CELEDONII

DIOECESIS

Calagurritanæ, & Calciatensis

PATRONORVM.

*A Sacra Rituum Congregatione recognitum,
& approbatum.*



ROMÆ, Ex Typographia Reu. Cam. Apost. 1656.

DECEMBER

1800

1801

1802

1803

1804

1805

1806

1807


Marty die iij:

NATALITIA SANCTORVM

HEMETHERII, ET CELEDONII
MARTYRVM

Dup. 1. classis, sine oct. Omnia dicuntur, vt infra
de Translatione.

Hoc festum, si occurrat
fer. 1v. cin. vel 1. Dom. in
Quadrages. transfertur in
diem perendinum: quo ca-
su in 1. vesp. non fiet comm.
S. Casimiri; si vero praece-
sit off. SS. Angelorum Cu-
stodum, vel Dominica, de
ipsis fiat comm. tantum.

Ex alijs Dominicis non
transfertur; sed ipsa die

Dom. fit off. de Festo, &
comm. in vtrisque vesp. laud.
& Missa, cum ix. lect. de
Hom. Dom. Cuius Euang.
legitur in fine Missae. Quod
seruatur in ferijs post 1v. cin.
occurrentibus.

In ij. vesp. fit com. S. Ca-
simiri, vel Dom. si sequatur;
non vero S. Lucij.

Augusti die xxxj.

TRANSLATIO SANCTORVM

HEMETHERII, ET CELEDONII
MARTYRVM

Dup. 1. classis, cum oct.
omnia sunt de communi
plur. mart. hisce proprijs, &
appropriatis exceptis.

Si festum hoc venerit in
Dom. de ipsa fiet, vt supra,
comm. & Initium Libri Iob
ponetur die crastina.

A 3

A D

AD VESPERAS.

Antiph. Omnes Sācti. *cum reliquis de laud. Psal.* Dixit Dominus. *cum reliquis de Dominica, & loco vltimi, Psal.* I laudate Dominū omnes gentes.

Capitulum. Sap. 5.

Istorum animæ in manu Dei sunt, & non tanget illos tormētum mortis. Visi sunt oculis insipiētium mori: illi autem sunt in pace.

H Y M N V S

Scripta sunt Cælo duorū Martyrum vocabula, Aureis quæ Christus illic Annotauit literis:

Sanguinis notis & idem

Scripta terris tradidit.

Pollet hoc felix per orbem

Terræ Ibera stemmate:

Hic locus dignus tenendis

Ossibus visus Deo,

Qui beatorum pudicus

Esset hospes corporum.

Hic calentes hausit vndas

Cæde tinctus duplici:

Illitas cruore sancto

Nunc arenas incolæ

Confrequētant, obsecrātes

Voce, Votis, munere.

Nemo puras hic rogando

Frustra congeffit preces:

Lætus hinc tersis reuerſit

Supplicator fletibus:

Omne, quod iustū poposcit
Impetratum sentiens.

Sempiterna sit Beatæ

Trinitati gloria:

Æqua Patri, Filioque,

Par decus Paraclito:

Vnius, Trinique nomen

Laudet Vniuersitas. Am.

V. Lætamini in Dño &c.

R. Et gloriamini &c.

AD MAGNIFICAT

Antiphona.

Istorum est enim regnū cælorum, qui contempserunt vitam mundi, & perueniunt ad præmia regni, & lauerunt stolas suas in sanguine Agni.

Oratio.

Deus, qui gloriosos Martyres Hemetherium, & Celedonium in tui nominis confessione roborasti: concede propitius; vt, quorum Corpora veneramur in terris, eorum aspectu perfruamur in Cælis. Per Dominum.

Non sit comm. Dominica forſam præcedentis.

AD MATVTINVM

Inuitatorium.

Regem Martyrum Dominum, Venite adoremus.
Psal. Venite exultemus Domino.

H Y M -

H Y M N V S.

In secundo No. & Le. & iv.

Forte tūc atrox, secūdos
Israelis posteros,
Ductor Aulæ mundialis,
Ire ad Aram iusserat:
Idolis litare nigris:
Esse Christi defugas.

Hic duorum cara fratrum
Concalescunt pectora,
Fida quos per omne tēpus
Iunxerat Sodalitas:
Stāt parati, ferre, quidquid
Sors tulisset vltima.

Seu foret præbenda ceruix
Ad bipennem publicam:
Verberū post vim crepātū
Post catastas igneas:
Siue pardis offerendum
Pectus, aut leonibus.

Nosne Christo procreati
Mammonæ dicabimur,
Et Dei formam gerentes
Seruiemus sæculo?
Absit, vt Cœlestis ignis
Se tenebris misceat.

Hæc loquentes obruuntur
Mille pœnis Martyres:
Nexibus manus vtrasque
Flexus inuoluit rigor:
Et calybs attrita colla
Grauibus ambit circulis.

Sempiterna sit Beata, &c.
In primo nocturno. Omnia
de communi, etiam lectio-
nes, vt in Breuiario.

Hemetherius, & Celedo-
nius Fratres Legio-
nenses Marcelli Centurio-
nis Martyris Filij, aliorum-
que insignium Martyrum,
qui diuersis temporibus, &
locis pro Christo passi sunt
Germani Fratres, post quā
diu, fortiterque sub Roma-
nis Vexillis meruerunt, mo-
ta in Christianos sœuissimā
persecutione, paribus vo-
tis, constantique animo se-
met inuicem adhortantes,
decreuerunt, relictis Genti-
lium Castris, ad Christi mi-
litiā transire. Ardore ita-
que fidei succensi, dum alij
veræ fidei cultores in tenta-
tione deficiebant, illi ad
martyrium properarunt:
Scientes, ita animam serua-
ri, dum perditur: Sangui-
nem sacrari, dum funditur,
& acceptis, non inflictis,
vulneribus, Christianam
parari victoriam.

R. Sancti tui Domine mira-
bile consecuti sunt iter, ser-
uientes præceptis tuis, vt
inuenirentur illæsi in aquis
validis: * Terra apparuit
arida: & in mari rubro via
sine impedimento.

* Quoniam percussit pe-

tram, & fluxerunt aquæ, & torrentes inundauerunt. Terra.

Benedictio. Christus perpetua.

LECTIO v.

Christum itaque palam professi, & Innanum Deorum simulacra detestati, Deum verum libere predicare cœperunt. Quare ad Militum Tribunal rapti, inde grauib. catenis onusti in tenebricosum, sædumque carcerem protrahuntur: vbi multis ærumnis macerati, cum, nullis artibus, siue verborum blanditijs, siue beneficiorum promissis, sæpius repetitis supplicijs, à Sancto proposito dimoueri potuissent, varijs cruciantur tormetorum generibus, quæ vel ipsum Tyrannum puduit publicari. Seuero quippe prohibuit edicto, gesta sacrorum Virorum, siue quas passi sunt pœnas, siue quæ patrarunt miracula in apertum produci: etsi vero Gentilium versutia gloriosi agonis memoriam tentarit abolere; Christianorum, nihilominus pietas studuit conseruare.

R. Verbera Carnificum nō

timuerunt Sancti Dei, morientes pro Christi nomine:

* Vt hæredes fierent in domo Domini.

R. Tradiderunt corpora sua propter Deum ad supplicia.

Vt hæredes.

Benedict. Ignē sui amoris.

LECTIO vj.

Illud vero in primis memorabile, quod, lata in eos capitis sententia, vbi ad supplicij locum peruenerūt, ante quam lictoris ictum exciperent, suæ fidei pignora eò præmiserunt, quò mox ipsi erant peruenturi. Primus anulum, secundus orarium in altum proiecerunt, quæ lenis auræ obsequio, splendescente anro, & candente linteo, cunctis intuentibus, ad Cœlos euecta sunt. Vidit hæc ipse carnifex, qui manum repræsit hærens, & stupens; sed demum ictum peregit, ne periret Martyrum triumphus. Securi percusi iuxta Ciuitatem Calagurritanam prope torrētem Arenalis tertio nonas Martij, ibidem sepulti sunt. Vnde postea translati ad Ecclesiam Cathedralem pridie Calendas Septembris, eo translationis die tamquam Patro-

Patroni miraculis Illustres,
præcipua coluntur venera-
tione.

R. Tamquam aurū in for-
nace probauit electos Do-
minus, & quasi holocausti
hostiam accepit illos: & in
tempore erit respectus illo-
rum: **Quoniam** donum, &
pax est electis Dei.

R. Qui confidunt in illum,
intelligent veritatem: & fi-
deles in dilectione acquie-
scent illi. **Quoniam.**

Gloria Patri. Quoniam.

**In iij. nocturno, omnia de
communi, etiam Homil. vt
in Breviario. R. viij.** Hac
est vera fraternitas.

A D L A V D E S,

Et per Horas, Ana.

Omnes Sancti, quanta passi
sunt tormēta, vt securi per-
uenirent ad palmam marty-
rij. **Psalm.** Dominus regna-
uit, **cum reliquis de Domi-
nica.**

Antiph. Cum palma ad re-
gna peruenerunt Sancti, co-
ronas decoris meruerunt de
manu Dei. **Antiph.** Corpora
Sanctorum in pace sepul-
ta sunt: & viuent nomina
eorum in æternum.

Antiph. Martyres Domini,
Dominum benedicite in

æternum. **Antiph.** Martyrū
Chorus laudate Dominum
de cælis, Alleluia.

Capitulum.

Iustorum animæ in manu
Dei sunt, & non tanget il-
los tormentum mortis. Visi
sunt oculis insipientiū mo-
ri: illi autem sunt in pace.

H Y M N V S

Illa laus occulta non est,
Nec senescit tempore:
Missa quod fursū per auras
Euolarunt munera,
Quæ viam patere Cæli,
Præmicando ostenderent.

Illius fidem figurans
Nube fertur anulus:
Hic sui dat pignus oris,
Vt ferunt, orarium,
Quæ superno rapta flatu
Lucis intrant intimum.

Per Poli liquentis axem
Fulgor auri absconditur,
Ac diu visum sequacem
Textiliscandor fugit:
Subuehūtur vsque in astra,
Nec videntur amplius.

Vidit hoc conuentus aditās
Ipse vidit carnifex,
Et manum repræsit harēs,
Ac stupore oppalluit;
Sed tamen peregit ictū,
Ne periret gloria.

Hoc bonum Saluator ipse,
Quo fruamur, præstitit,

A 5 Mar-

Martyrū cū mēbra nostro
 Consecrauit oppido :
 Sospitēt quę nūc Colonos,
 Quos Iberus alluit .

Sempiterna sit Beatæ .

✠. Exultabunt Sancti &c.

℞. Lætabuntur. &c.

AD BENEDICTVS

Antiphona.

Vestri capilli capitis omnes
 numerati sunt: nolite time-
 re: multis passeribus melio-
 res estis vos.

Oratio.

Deus, qui gloriosos mar-
 tyres Hemetherium,
 & Celedoniū in tui nominis
 confessione roborasti: con-
 cede propitius, vt, quorum
 corpora veneramur in ter-
 ris, eorum aspectu perfrua-
 mur in cœlis. Per Dominū.

AD TERTIA M.

Antiphona.

Cum palma. *Capitulū.* Iu-
 storum animæ.

℞. br. Lætamini in Domi-
 no, * Et exultate iusti. Læ-
 tamini.

℞. Et gloriamini omnes re-
 cti corde: Et exultate.

Gloria Patri. Lætamini in
 Domino.

℞. Exultent iusti in conspe-
 ctu Dei.

℞. Et Delectentur in lætitia.

AD SEXTA M.

Antiphona.

Corpora Sanctorum in pa-
 ce sepulta sunt.

Capitulum. Sap. 10.

R Eddidit Deus mercedē
 laborum Sanctorum
 suorum, & deduxit illos in
 via mirabili: & fuit illis in
 velamento diei, & in luce
 stellarum nocte.

℞. breuc. Exultent iusti, * In
 conspectu Dei. Exultent.

℞. Et delectentur in lætitia.
 In conspectu.

Gloria Patri. Exultent.

℞. Iusti autem in perpetuū
 viuent.

℞. Et apud Dominum est
 merces eorum.

AD NONA M.

Antiphona.

Martyrum Chorus.

Capitulum. Sap. 13.

F Vlgebunt iusti, & tam-
 quam scintillæ in arun-
 dineto discurrent. Iudica-
 bunt nationes, & domina-
 buntur populis, & regnabit
 Dominus illorum in per-
 petuum.

℞. breuc. Iusti autem, * In
 perpetuum vinent. Iusti.

℞. Et apud Dominum est
 merces eorum. In perpetuū.

Gloria Patri. Iusti.

℞. Exul-

¶ Exultabunt Sācti in gloria. **℟.** Lætabuntur in cubilibus suis.

A D V E S P E R A S

Antiphona.

Isti sunt Sācti, qui pro testamento Dei sua corpora tradiderunt, & in sanguine Agni lauerunt stolas suas.

Psal. Dixit Dominus. cum reliquis de Dominica, & loco vltimi. **Psal.** Credidi.

Antiph. Sācti per fidem vicerunt regna, operati sunt iustitiam, adepti sunt re promissiones.

Antiphona. Sāctorum velut aquilæ iuuentus renouabitur: flore bunt sicut lilium in Ciuitate Domini.

Antiphona. Absterget Deus omnem lacrymam ab oculis Sāctorum, & iam non erit amplius neque luctus, neque clamor, sed nec vllus dolor: quoniam priora trāsierunt.

Antiphona. In cœlestibus regnis Sāctorum habitatio est, & in æternum requies eorum.

Capitulum, & Hymnus vt in primis Vesp. ¶. Exultabunt Sācti in gloria.

℟. Lætabuntur in cubilibus suis.

AD MAGNIFICAT

Antiphona.

Gaudent in Cœlis animæ Sāctorum, qui Christi vestigia sunt secuti: & quia pro eius amore sanguinem suum fuderunt, ideo cum Christo exultant sine fine.

Oratio vt supra.

Non fit commemoratio S. Aegidij, nec Sāctorum Duodecim fratrum; Vbi vero festum S. Aegidij fuerit primæ classis vespere integræ dicantur de eo cum commemorat. Sāctorum Hemetherij, & Celedonij tantum; sed infra octauas fiet officium de Sāctis Hemetherio, & Celedonio mart. cum commemor. S. Aegidij Confessoris.

Septembris die j.

Secunda infra octauam S. Mart. Hemet. & Celed. semid. omnia vt in festo præter lectiones, quæ in j. noct. leguntur de scrip. occur. in ij. & iij. desumuntur ex Oct. Rom. per totam octauam.

℟. j. Absterget Deus omnem lacrymam ab oculis Sāctorū: & iam non erit amplius, neque luctus, neque clamor, sed nec vllus dolor: * Quoniam priora transierunt.

A 6

℟. Non

R. Non esurient, neque sitient amplius, neque cadet super illos Sol, neque ullus æstus. *Quoniam.*

Benedictio. Unigenitus Dei filius.

R. ij. Viri sancti gloriosū sanguinem fuderunt pro Domino, amauerunt Christum in vita sua, imitati sunt eum in morte sua: * **Et** ideo coronas triūphales meruerunt.

V. Vnus spiritus, & vna fides erat in eis. **Et** ideo.

Benedictio. Spiritus sancti gratia.

R. iij. Tradiderunt corpora sua propter Deum ad supplicia: * **Et** meruerunt habere coronas perpetuas.

V. Isti sunt, qui venerunt ex magna tribulatione, & lauerunt stolas suas in sanguine Agni. **Et** meruerunt.

Gloria Patri. **Et** meruerunt.

In secundo Nocturno.

Ex Epistola Sancti Cypriani Episcopi, & Martyris, ad Martyres.

Ex Epist. 25. Lect. iv.

Imposuerunt compedes pedibus vestris, & membra felicia, ac Dei templum, infamibus vinculis ligaerunt, quasi cum corpore

ligetur & spiritus, aut aurum vestrum ferri contagione maculetur. Dicatis Deo hominibus, & fidem suam religiosa virtute testantibus, ornamenta sunt ista, non vincula; nec Christianorum pedes ad infamiā copulant, sed clarificant ad coronam. O pedes feliciter vincti, qui non à fabro, sed à Domino resolvuntur. O pedes feliciter vincti, qui itinere salutari ad paradysum diriguntur. O pedes in sæculo ad præsens ligati, vt sint semper ad Dominum liberi.

R. Sancti tui Domine. 7

Lectio v.

Quis non libenter, & promptè calicem salutis accipiat? Quis non appetat gaudibundus, & lætus, in quo aliquid & ipse Domino suo retribuatur? quis non pretiosam in conspectu Dei in ortem fortiter, & constanter excipiat, placiturus eius oculis, qui nos in congressione nominis sui desuper spectans volentes comprobatur, adiuuat dimicantes, vincentes coronat, retributione bonitatis, ac pietatis paternæ remunerans

rans in nobis, quicquid ipse præstitit, & honorans, quod ipse perfecit?

R. Verbera carnificum non timuerunt. 8

Lectio vj.

Q Vis nunc vobis dilectissimi fratres, conscientia victricis vigor? quæ sublimitas animi? quæ insensu exultantia? qui triumphus in pectore? vnumquemque vestrum stare ad promissum Dei præmium, de iudicii die esse securum? ambulare, captiuo quidem corpore; sed corde regnante, scire Christum secum, esse præsentem, gaudentem tolerantia seruorum suorum per vestigia, & vias suas ad regna æterna gradientium? Planè, quia nunc vobis in precibus efficacior sermo est, & ad impetrandum, quod petitur, faciliior oratio est: petite impensius, & rogate, vt qui hic caritatis, & pacis vinculo copulati stetimus, pariter in regnis cœlestibus gaudeamus.

R. Tanquam aurum in fornace. 9

In tertio Nocturno.

Lectio sancti Euangelij secundum Lucam.

Cap. 21.

Lect. vij.

In illo tempore: Dixit Iesus discipulis suis: Cū audieritis prælia, & seditiones, nolite terreri: oportet primum hæc fieri; sed nondum statim finis. Et reliqua.

De Homilia Sancti Gregorij Papæ.

Ex homil. 35. in Luc.

Omnia, quæ ad vsum vitæ accepimus, ad vsū conuertimus culpæ; sed cuncta, quæ ad vsum prauitatis infleximus, ad vsum nobis vertuntur vltionis. Tranquillitatem quippe humane pacis ad vsum vertimus vanæ securitatis: peregrinationem terræ pro habitatione diligimus patriæ, salutem corporum redigimus in vsum vitiorum. Ipsa serena blandimenta aeris ad amorem nobis seruire coegimus terrene delectationis. Iure ergo restat, vt simul nos omnia feriant, quæ simul omnia vitij nostris malè subacta, seruiebant: vt quot prius in mundo incolumes habuimus gaudia, tot de ipso postmodum cogamur sentire tormenta.

A 7

R. Pre-

R Propter testamentū Domini, & leges paternas, Sancti Dei perstiterunt in amore fraternitatis: * Quia vnus fuit semper spiritus in eis, & vna fides.

* Ecce quam bonum, & quam iucundum habitare fratres in vnum. Quia.

Benedictio. Quorum festum colimus.

Lectio viij.

Quia autem cuncta hæc non de iniustitia ferientis sunt, sed de merito mundi patientis, facta prauorum hominum præmittuntur, cum dicitur: Sed ante hæc omnia iniicient vobis manus suas. Ac si apertè dicat: Prius corda hominum, & post elementa turbantur, vt cum rerum ordo confunditur, ex qua iam retributione veniat, demonstretur. Nam quamuis finis mundi ex ipso suo ordine pendeat, peruersiores tamen quosque inueniens, quia digne ruinis illius opprimantur, innotescit.

R Hæc est vera fraternitas, quæ numquā potuit violari certamine: qui effuso sanguine secuti sunt Dominū:

* Contemnentes aulam regiam peruenerunt ad regna cælestia.

* Ecce quā bonum, & quā iucundum habitare fratres in vnum. Contemnentes.

Gloria Patri. Contemnētes. **Nona lectio** de S. Aegidio, vt in Breuiario.

In laud. comm. S. Aegidij. Antiph. Euge serue bone. * Iustum deduxit.

Oratio. Intercessio: Deinde de Sanctorum Duodecim Fratrum martyrum.

Antiph. Istorum est enim. * Latamini in Domino.

Oratio.

Fraterna nos Domine Martyrum tuorum corona lætificet: quæ & fidei nostræ præbeat incrementa virtutum, & multiplici nos suffragio cōsoletur. Per Dominum.

Septembris die ij.

Tertia infra octauam.

In secundo Nocturno.

Sermo Sancti Basilij Episcopi.

In Psal. 115. Lectio.

Re vera pretiosa est mors Sanctorum eius, cum videlicet anima per vitæ istius curriculum ex purgata,

ta, ab omni eluie, & inquinamento carnis emancipata, ac libertati reddita, nullam in se retinens maculam, aut rugam, duris, pro pietate, agonibus iam exantlatis probata, insignita corona Iustitiæ, per quæ hæc omnia admirabili decore virtutis interlucent Domino suo, atque omnium iudici se præsentarit, lapide omni pretioso rutilantior, Dei munere eam adepta claritatem, quonam pacto non censeri debet pretiosa hominis istius mors in conspectu Domini?

R. Sancti tui.

7

Lectio v.

EXitus itaque Sanctorum virorum e vitæ istius stadio ne lugeamus, imo fletu magis prosequenda venit ipsa Natiuitas, & ex vterò in hanc vitam progressio: naturæ etenim necessitas præscripsit nobis, & sanxit carnalis generationis ingressum: contra exitus, atque hinc emigratio pretiosa est, & illustis, neque interim omnium talis est; sed eorum, qui vitam hanc suam Sancte, & iuste traduxerunt, itaque pretiosa

est mors; non ita pretiosa natiuitas: nam teste Apostolo, seminatur in ignobilitate, surgit in gloria: seminatur in corruptione, surgit in incorruptionem.

R. Verbera carnificum non timuerunt.

8

Lectio vi.

Pro legis Iudaicæ ritu, si qui moriebantur, horum morticina habebantur abominationi; contra, mors si cuiquam irrogatur pro Christi nomine, pretiosa censetur reliquæ Sanctorum eius. In priori lege dicebatur Sacerdotibus, & Nazaraeis illud: Non contaminabitur super villo mortuo: & Si quis tetigerit cadauer, immundus erit, & hic lauabit vestimenta sua. Nunc, è diuerso: Martyris ossa quisquis attigerit, ob gratiam corpori insidentem fit quædamtenus sanctificationis particeps; quare pretiosa est in conspectu Domini mors Sanctorum eius.

R. Tamquam aurum in fornace.

9

In tertio Nocturno.

Lectio Sancti Euangelij secundum Lucam,

A 8

Le-

Lect. vij.

IN illo tempore : Dixit Iesus discipulis suis: Cum audieritis praelia, & seditiones, nolite terri: oportet primum hæc fieri; sed nondum statim finis. Et reliqua.

De Homilia Sancti Gregorij Papæ.

Sequitur; Trademini autem à parentibus, & fratribus. Minorem dolorem mala ingerunt, quæ ab extraneis inferuntur. Plus verò in nobis ea tormenta, faciunt, quæ ab illis patimur, de quorum mentibus præsumebamus: quia cum damno corporis, mala nos cruciant amissæ caritatis. Hinc est enim, quod de Iuda traditore suo per Psalmistam Dominus dicit: Homo pacis meæ, in quo sperabam & qui edebat panes meos, ampliavit aduersum me supplantationem. Ac si dicat: Transgressionem, eius tanto grauius pertuli, quanto hanc ab eo, qui me esse videbatur, sensi.

R. Propter testamētum. 14

Lectio viij.

OMnes ergo electi, quia summi capitis mem-

bra sunt, caput quoque suum in passione sequuntur, ut ipsos quoque aduersarios in sua morte sentiant, de quorum vita præsumebant, & tantò eis crescat merces operis, quantò eis virtutis lucrum proficit ex alienæ damno caritatis. Sed quia dura sunt, quæ prædicuntur de afflictione mortis, protinus consolatio subditur de gaudio resurrectionis: cum dicitur: Capillus de capite vestro non peribit.

R. Hæc est vera.

14

Lectio ix.

SCimus, fratres, quia caro incisa dolet, capillus incisus non dolet. Ait ergo martyribus suis: Capillus de capite vestro non peribit. Videlicet apertè dicens: Cur timetis, ne pereat, quod incisum dolet, quando & illud in vobis perire non potest, quod incisum non dolet? Sequitur: in patientia vestra possidebitis animas vestras. Idcirco possessio animæ in virtute patientiæ ponitur: quia radix omnium, custosque virtutum patientia est.

Te Deum laudamus.

Sep.

Septembris die iij.

Quarta infra octauam.

In secundo Nocturno.

Sermo Sancti Ambrosij

Episcopi.

Ser. 77. 6. ad Rom. Lect. iv.

EXemplo Martyrum dicimus Christo credere, didicimus contumelijs vitam æternam quærere, mortem didicimus non timere. Videte ergo quid martyribus debeamus, in quo alter tortus est, ut alius saluaretur. Alter carnificem pertulit, ut Christum alter agnosceret. Alter morti addictus est, ut alius vita potiretur æterna: & ad postremum Sanctus occisus est, ut peccator euaderet. Beati igitur martyres nec sibi vixerunt, nec sibi sunt mortui: exemplum enim nobis reliquerunt, benè viuendo, conuersationis; tolerando fortiter, passionis.

B. Sancti tui. 7

Lectio v.

Nam ideo Dominus per totum mundum diuersis in locis pati martyres voluit, ut tanquam idonei testes nos præsentem quodam fidei exemplo suæ confessionis vrgerent, ut humana

fragilitas, quæ prædicationi Dominicæ aditu longiore vix credit, vel præsentem oculorum martyrio crederet beatorum. Cuncti igitur martyres deuotissime percolendi sunt: sed specialiter Ij venerandi sunt à nobis, quorum reliquias possidemus: illi enim nos orationibus adiuuant, isti etiam, adiuuant passione. Cum his autem nobis familiaritas est; semper enim nobiscum sunt, nobiscum morantur, hoc est, & in corpore nos viuentes custodiunt, & de corpore recedentes excipiunt.

B. Verbera carnificum. 8

Lectio vj.

Cum Sanctis ergo Martyribus quiescentes, euadimus inferi tenebras, eorum proprijs meritis, at tamen consocij sanctitate. Martyres enim inferni porta non possidet: quoniam, eos paradisi regna suscipiunt. Nam videmus eos utique iam regnare: cernimus enim ab ijs frequenter obsessos immundissimis Dæmonibus homines liberari, ita ut celesti medicina, & captiua anima de diaboli laqueis eruat.

eruatur, & ipse Diabolus vinculis igneis alligatus producatur de sua captiuitate, captiuus, vt qui pradam paulò ante ceperat, ipse subdatur in pradam. Hæc & alia poriora mirabilia per Sanctos fieri omnibus notum est, & ideò, fratres, veneremur eos in sæculo, quos defensores habere possumus in futuro.

R. Tamquam aurum. 9

IN III. NOCTVRNO.

Lectio Sancti Euangelij secundum Lucam.

Lect. vij.

IN illo tempore: Dixit Iesus discipulis suis: Cū audieritis prælia, & seditio- nes, nolite terri: oportet primum hæc fieri, sed nondum statim finis. Et reliq. De Homilia Sancti Grego- rij Papæ.

Per patientiam verò pos- sidemus animas nostras: quia dum nobis ipsis domi- nari discimus, hoc ipsum incipimus possidere, quod sumus. Patientia verò est, aliena mala æquanimitèr perpeti, contra eum, quo- que, qui mala irrogat, nul- lo dolore morderi. Nam, qui sic proximi mala portat,

vt tamen tacitus doleat, & tempus dignæ retributionis quærat, patientiam non exhibet, sed ostendit. Scri- ptum quippe est. Caritas patiens est, benigna est. Patiens est, vt aliena mala tolleret, benigna verò est, vt ipsos etiam, quos por- tat, amet.

R. Propter testamētum. 14

Lectio viij.

Sed quia Solemnitatem Martyrum hodierna die colimus, fratres mei, nequaquam nos à virtute eorum patientiæ existimare extraneos debemus. Si enim adiuuante nos Domino vir- tutem patientiæ seruare contendimus, & in pace Ecclesiæ viuimus, & tamen martyrij palmam tenemus. Duo quippe sunt martyrij genera, vnum in mente, aliud in mente simul & ac- tione. Itaque esse marty- res possumus, etiam si nullo percutientium ferro truci- demur. Mori quippe à per- sequente, martyrium in- aperto opere est: ferre verò contumelias, odientem di- ligere, martyrium est in oc- culta cogitatione.

R. Hæc est vera.

14

Le-

Leſt. ix.

Probamus quotidie verum eſſe, quod ante nos dictum eſt: quia ſancta Eccleſia electorū floribus plena, habet in pace lilia, in bello roſas. Sciendum præterea eſt, quod tribus modis virtus patientiæ exerceri ſolet. Alia namque ſunt, quæ à Deo; alia, quæ ab antiquo aduerſario; alia, quæ à proximo ſuſtinemus. A proximo namque perſecutiones, damna, & contumelias: ab antiquo verò aduerſario, tentamenta; à Deo autem flagella toleramus. **Te Deum laudamus.**

*Septembris die jv.**Quinta infra octauam.**In ſecundo Nocturno.*

Sermo Sancti Gregorij Nyſſeni.

In 40. Mart. or. 2. poſt init.

Leſt. jv.

QVale in cœleſtibus accidit miraculis, cum ſerena, ac pura nocte, ſtellarum decor alius per alium diſtinguitur, & ornatur, vnaqueque earum ſuum ſplendorem ad communem ornatum Cœli ſimul contri- buente: tale erat Sanctorum ſpectaculum, vere, vt ali-

cubi inquit Ezechiel Propheta, viſio lampadarum, inter ſe coeuntium, & quaſi conuolutarum. Quam pulchrum igitur tunc intuentibus erat ſpectaculum? pulchrum, inquam, ijs, qui pulchra, atque præclara contueri volunt: pulchrum Angelis, pulchrum ſupra mundanis virtutibus: acerbum verò Dæmonibus, & quotquot Dæmonum cultum amplectebantur: homines, ſi modo homines dicendi, qui tanta magnitudine indolis excelluerunt, milites Chriſti, Sancti Spiritus armigeri, fidei antefignani, turres diuinæ Ciuitatis.

& Sancti tui.

S

Leſt. v.

QVI omnem tormentorum pœnam, atque contumeliam, omnes terrores ingruentes, omnem minarum vim tamquam puerilem quandam amentiam, deridebant: perinde ac ſi nō corpora verberibus præberent, ſed corporum vmbraſ: qui cum carne carnem deuiciſſent, & contemptu mortis, omnes tyrannorum terrores magnitudine animi ſupe-

superassent, humana conditione superiores visi sunt. O qui præclare corporeis trophæis excitati; qui peritiam bellandi in aciem aduersus diabolum instructam transtulerunt: non gladio manus armantes, neque clypeum ligneum obijcientes; sed armaturam Dei sumentes, quam Prætor, & Dux Ecclesiæ, diuinus ille Apostolus describit, scutum, & lorica, & galeam, & gladium, ita tendebant aduersus copias aduersariorum.

R. Verbera carnificum. 8

Lect. vj.

DVx autem erat, horum quidem cælestis gratia; Diaboli autem aciei, Is, qui mortis imperium tenet. Locus eis aciei, nefariorum, & sanguinariorum tribunal erat: illic congressi decertabant, illi quidem minis pugnam laceffentes; hi vero per patientiam propulantes, & resistentes. Ignis sub hæc intentabatur, & gladius, & barathrum, & quæcumque sunt alia nomina suppliciorum. Vna vox ad hæc omnia audiebatur, CHRISTVS, quem ore Sancti illi confitebantur. Hoc erat aduersa-

riorum vulnus: hanc cuspidem aduersarij obijciebāt: per hanc vocem in medio corde vulnus aduersarius accepit. Hic est lapis, qui per manum Davidis fundamittebatur, qui à galea aduersarij, quo destinatus erat non aberrauit: nam Christi confessio boni militis fundamittebatur: cadit inimicus, & caput amittit.

R. Tamquam aurum. 9

In tercio Nocturno.

Lectio Sancti Euangelij secundum Lucam.

Lect. vij.

IN illo tempore: Dixit Iesus discipulis suis: Cū audieritis prælia, & seditiones nolite terreri: oportet primum hæc fieri; sed nondum statim finis. Et reliq. De Homilia Sancti Gregorij Papæ.

SEd in his omnibus tribus modis vigilanti oculo semetipsam debet mens circumspicere, ne contra mala proximi pertrahatur ad retributionem mali: ne contra tentamenta aduersarij seducatur ad delectationem, vel consensum delicti: ne contra flagella opificis ad excessum proruat.

murmurationis. Perfecte enim aduersarius vincitur, quando mens nostra, & inter tentamenta eius ad delectationem, atque consensum non trahitur: & inter contumelias proximi custoditur ab odio: & inter flagella Dei compescitur a murmuratione.

¶ Propter testamentum Domini. 14

Lea. viij.

Nec hac agentes, retribui nobis bona presentia requiramus: nam pro labore patientie bona speranda sunt sequentis vite, ut tunc premium nostri laboris incipiat, quando omnis iam labor funditus cessat. Vnde & per Psalmistam dicitur: Non in finem obliuio erit pauperis: patientia pauperum non peribit in finem. Quasi enim periisse patientia pauperum cernitur, cum nihil pro illa in hac vita humilibus recompensatur. Sed patientia pauperum in finem non peribit: quia tunc eius gloria percipitur, cum simul omnia laboriosa terminantur.

¶ Hac est vera fraternitas, quae numquam. 14

Seruare ergo, fratres, in mente patientiam, eamque cum res exigit, exerce in operatione. Nullum vestrum ad odium proximi contumeliosa verba commoueat, nulla peritura rum rerum damna perturbent. Si enim fixa mente mansura damna pertimescitis, damna rerum transeuntium graua non putatis: Si aeternae retributionis gloriam concupiscitis, de temporali iniuria non doletis. Tolerate ergo aduersarios vestros: sed ut fratres diligite, quos toleratis. Aeterna praemia prodamnibus temporalibus quaerite. Nec quisquam vestrum suis se viribus hanc implere posse confidat: sed obtinet precibus, ut ipse, hanc qui imperat, praestet.

¶ Deum laudamus.

Septembris die v.

Sexta infra octauam.

In ij. noct. Tres Lea. S. Angust. Quotiescumque fratres, ut in Breuiar. eodem communi.

In tertio Nocturno.

¶ Lectio Sancti Euangelij secundum Lucam. 14

Leet. vii.

IN illo tempore : Dixit Iesus discipulis suis : Cū audieritis praelia , & seditiones , nolite terri : oportet primum hac fieri , sed nondum statim finis . Et rel.
Homilia Venerabilis Bedæ Presbyteri.

Lib. 6. in Luc. 21.

Capillus de capite discipulorum Domini non peribit , quia non solum fortia quæque gesta , vel dicta Sanctorum , de quibus dicitur : Dominus custodit omnia ossa eorum ; sed & volatilis , vt ita dicam , ac tenuissima cogitationum fidelium superficies , quæ de occulta cordis radice , quasi de cerebro casaries exit , apud iustum Iudicem conseruata digna mercede donabitur .

B. Propter testamētum . 14

Leet. viij.

Vnde recte Propheta , vt bonorum etiam cogitatum merita Domino , quam sint accepta , demonstrat : & reliquæ , inquit , cogitationum diem festum agent tibi . Vnde etiam Nazareni in lege tempore consecrationis comam nutrire inbentur , & nouacula super

caput Samuel non ascendisse perhibetur . At contra , mulier captiua , vt viro Israelitæ nubere queat ; munda datus à lepra , vt Ecclesiæ cōmunicare mereatur , omnes sui corporis pilos præcipiuntur eradere .

B. Hæc est vera.

14

Leet. ix.

QVia videlicet omnis sapientum cogitatio , quæ bona , placens , & perfecta est , saluatur , & perpetuum , & apud Dominum , est merces eius : stultorum vero , prauorumque quasi Dei aspectibus indigna radix , operum cogitatio pœnitendo debet excidi . Et in patientia vestra possidebitis animas vestras : Sic enim conditi mirabiliter sumus , vt ratio animam , & anima possideat corpus ; ius vero animæ à corporis possessione repellitur , si non prius anima à ratione possidetur . Custodem igitur conditionis nostræ patientiam Dominus esse monstrauit , qui in ipsa nos , possidere nos metipsos , docuit . **T**e Deum laudamus .

Septembris die vi.

Septima infra octauam.

In

In ij. nocturno Tres lect. de
Ser. S. Ioannis Chrysostomi.
Nemo est, qui nesciat, &c.
vt in Breuiar, eodem com-
muni.

In tertio Nocturno.

Lectio Sancti Euangelij se-
cundum Lucam.

Lect. vij.

IN illo tempore : Dixit
Iesus discipulis suis : Cū
audieritis praelia, & seditio-
nes, nolite terreri : oportet
primum hæc fieri, sed non
dum statim finis. Et reliq.

Homilia Sancti Ambrosij
Episcopi.

In Luc. lib. 10. cap. 21.

Quia in occasu sæculi su-
mus, præcedunt quæ-
dam ægritudines mundi.
Ægritudo mundi est fames,
ægritudo mundi est pestilen-
tia, ægritudo mundi est per-
secutio : Sunt autem & alia
bella, quæ vir sustinet Chri-
stianus ; diuersarum praelia
cupiditatum, studiorumq;
conflictus, multoque gra-
uiores domestici hostes,
quam extranei. Nunc aua-
ritia stimulat, nunc accen-
dit libido, nunc metus ter-
ret, nunc iracundia exagi-
tat, nunc ambitio mouet,
nunc terrere tentant spiri-

talia nequitia, quæ sunt in
cœlestibus.

R. Propter testamētum. 14
Lect. viij.

ITaque quasi quibusdam
vrgetur praelijs, & qui-
busdam terræmotibus qua-
titur mobilis animi nutan-
tis affectus : sed fortior dicit:
Si consistent aduersum me
castra non timebit cor meū:
Si exurgat aduersum me,
prælium in hoc ego sperabo:
stat in acie ferens hosti ob-
uium pectus : etiam si quis
Goliath exurgat immitis, at-
que præcellus ; timentibus
tamen cæteris, exurgit hu-
milis quasi David Regis
abijciens arma terreni, su-
mens fidei tela leuiora, &
triplici sparto iaculum puræ
confessionis intorquens per
secutoris vulnerat impuden-
tiam, contemptor mina-
rum, negligens potestatum:
etiam idoneus, in quo Chri-
stus loquatur.

R. Hæc est vera.

14

Lect. ix.

Alibi Christus, alibi Pa-
ter, alibi Spiritus lo-
quitur Patris : non discor-
dant ista, sed congruunt.
Quod vnus loquitur tres lo-
quuntur : quia vox vna est

Tri-

Trinitatis. Huic victori, qui suo Goliath gladio peremerit, dum mortem pro Christo excipit, fugatis Alophylis, occurrunt iuencula, illæ scilicet sicut aquilæ dicentes: Percussit Saul in millibus, Dauid in decem millibus; quo indicio est, Victores sæculi Principibus anteferri. Denique mortuis Regibus in perpetuū Martyres regnum, cœlestis gratiæ honore succedunt: & illi sunt supplices, hi Patroni. **Te Deum laudamus.**

Vesperæ diei octauæ, vt in primis festi.

Septembris die vij.

Octaua Sanctorum Himerij, & Celedonij, duplex: Si venerit in Dominica de illa fiat commemoratio, vt supra notatur.

In secundo Nocturno.

Sermo Sancti Fulgentij Episcopi.

Serm. Io.

Lect. jv.

Dilectat videre campos segetum aureis maturatis calamis aristarum, delectabilis libet attendere campos Ecclesiæ Martyrum micantes, plantatos de vno cruore per Agni sanguinem innocentem. Segetes etc.

nimi sunt passiones Martyrum, iuxta cursus aquarum rigati fontibus lacrymarum: nam sic modo beatus Dauid Martyrum purpurata germina, & ante messores gaudiorum tamquam anceps secanti messoria cythara decantabat; Qui seminant, inquit, in lacrymis, in gaudio metent. Vbi seminant in lacrymis, nisi iuxta arborem Crucis, vbi est fons proximus Saluatoris? **¶ Sancti tui.**

5

Lectio v.

Inde de latere eius sanguinis guttæ stillarunt, & pluuia cruoris, & aqua seminata est tolerantia Confessorum. De ipso ligno virentis Crucis iuxta fontem sanguinis plantata virginitas floruit castitatis: inde plantata Martyrum tolerantia, cœpit seminis sui germina colligere purpurata: nam vnde Martyres tolerant, nisi per Dominicam Crucem? vnde Martyres, in quorum cordibus lex Dei est, maledictiones non timent hominum, nisi quia Christus dominus pertulit patienter impropria Iudeorum? Ista ergo seminatio sanguinis Christi.

Christi fecit semina Martyrum pullulare in campo maris Ecclesiæ, & dicit Dauid: Qui seminant in lacrymis, in gaudio metent: Eûtes ibant, & flebant.

R. Verbera carnificum. 8

Leç. vj.

Sic perrexerunt, quomodo reuertuntur? non flentes, sed gaudentes: non adhuc seminantes, sed manipulos suos lata ceruice portantes. O germina, quæ non vrit flamma: quia iuxta flumen sunt vitreum in Ierusalem, & perpetuo virescunt flore immortalitatis vitæ æternæ. Nesciunt marcescere, quia non timuerunt pro iustitia flammis arderi, quia Agnus deducet eos ad vitæ fontes aquarum, & delebit omnem lacrymam ab oculis eorum, & florebut sicut lilium in medio Angelorum.

R. Tamquam aurum? 9

In tertio Nocturno.

Lectio Sancti Euangelij secundum Lucam.

Leç. vij.

In illo tempore: Dixit Iesus discipulis suis: Cû audieritis prælla, & seditioes, nolite terreri: oportet

primum hæc fieri, sed nondum statim finis. Et reliq. Homilia Sancti Augustini Episcopi.

Serm. 14. lib. 50. hom.

Dominus Noster Iesus Christus testibus, id est Martyribus, suis pro humana fragilitate sollicitis, ne forte eum confitendo, atque moriendo perirent, magnam securitatem dedit, dicens: Capillus de capite vestro non peribit. Times ergo, ne pereas, cuius capillus non peribit? Si sic custodiuntur superflua tua, in quanta securitate est anima tua? Non perit capillus, qui cum tondetur non sentis, & perit anima, per quam sentis? Sane multa dura eos passuros esse prædixit, ut prædicendo faceret paratiores, dicerentque illi: Paratum cor meum.

R. Propter testamētum. 14

Leç. viij.

Quid est, paratum cor meum, nisi parata voluntas mea? Paratam ergo habent Martyres voluntatem in martyrio, sed præparatur voluntas à Domino. Illis autem in malis duris, atque asperis futuris com-

me-

memorans adiecit: In patientia vestra possidebitis animas vestras. In vestra patientia, inquit. Non enim esset patientia tua, si non ibi esset, & voluntas tua. In vestra patientia: sed unde vestra? Nostrum est, quod à nobis habetur: nostrum est, & quod nobis donatur.

✠ Hæc est vera.

14

Lect.jx.

Quomodo enim aliquid donas, nisi ut eius sit, cui donas? Aperta est enim illa confessio: Nonne Deo subijcietur anima mea: ab ipso enim est patientia mea? Dicit nobis ipse: In vestra patientia. Dicamus illi & nos: Patientia mea ab ipso est. Tuum fecit donando, noli ingratus esse, tibi affligendo. Nonne in oratione Dominica dicimus, & nostrum esse, quod à Deo est? Quotidie dicimus: Panem nostrum quotidianum. Iam dixisti: Nostrum, &

dicis: Da nobis. Ecce nostrum, ecce da nobis, Illo dante, sit nostrum. **T**e Deum laudamus.

Vesperæ integræ de Natiuitate B. Mariæ, cum comm. oñauz.

Missa in utroque festo, & per octauam. Intret in conspectu tuo de communi, sed oratio propria, ut supra, & dicitur Credo; In Natalitijs, Graduale, & Tractus, ut in festo Sāctorum XL. Martyrū 10. Martij: in Translatione Graduale, & versus, ut in festo Sanctorum Ioannis, & Pauli, 26. Iunij: In Votuiis tempore Paschali. **W.** Pro Alleluia, ut in festo Sanctorum Nerei, Achillei, &c. 12. Maij.

Per annum inter communia Sanctorum suffragia, fieri potest de Sāctis Hementherio, & Celedonio consueta commemoratio, in tota Diœcesi generaliter, quia sunt Patroni.

L A V S D E O.

Decretum Sacrae Congregationis.

S *V*prædictas Lectiones cum Hymnis, & Traditione proprijs SS. Hemetherij, & Celedonij Martyrum Sacra Rituum Congregationi exhibitas, visas, & attente recognitas, referente Eminentiss. & Reverendiss. Domino Cardinali Sacchetto, eadem Congregatio ad instantiam Episcopi, Capituli, & Diœcesis Calagurritanae Ecclesiae approbavit, & in Ecclesia, Civitate, & Diœcesi prædictis, in officio Translationis recitari, & ob id etiam imprimi posse, concessit. Die 19. Septembris 1654.

**Carolus Episcopus Ostiensis Cardinalis
Medices.**

Locus † Sigilli.

Franciscus Maria Phœbeus Sac. Rit. Cong. Secr.

Calagurritana.

Capitulum, & Clerus Cathedralis Ecclesiæ Calagurritanæ à Sacra Rituum Congregatione postularunt, Num in Officio Sanctorum Martyrum Hemetherij, & Celedonij (quod in tota Diœcesi die martyrij eorundem Sanctorum celebratur) recitare possent lectiones cū hymnis, & oratione proprias à Sacra Rituum Congregatione approbatas, pro die Translationis Corporum eorundem Martyrū, & An pro festo Translationis prædictæ, in quo tamquam de Patrono principali cum octaua celebratur Officium proprium præfatum, cum lectionibus secundi, & tertij nocturni, pro diebus infra octauam, & octaua, de sumendis ex Octauario Romano, typis mandare possent, & Sacra Rituum Congregatio affirmatiuè respondit. At alteri quæsito,
An